



「雞，全部都係雞，全部都係小學雞！」除了橫洲事件外，立法會候任議員中的年輕人最關心的是什麼？就是「房事」！不要誤會，此「房事」說的是立法會議員辦公室的分配也！「青山新症（青年新政）」兩名當選議員者，包括游BB（游蕙禎）及巴治奧（梁頌恆），似乎對「相關辦公室」異常執着。為了令兩人的辦公室可以比鄰，方便打通，他們在要求「熱狗」主席蟲泰（鄭松泰）換房不遂後，再向慢必（陳志全）打主意，結果終於得逞。不少網民對此不以為然，批評與其在打通辦公室的問題上糾纏不休，不如多做實事。

由於多名立法會議員連任失敗，立會大樓內的議員辦公室「執位」。「青症」的游BB在選舉中，以400票之差擊敗自詡「瞓喺度都贏」的「熱狗」精神領袖「教主」黃毓民，提出要接收「教主」及「人民力量」原議員大嘴（陳偉業）相連的1001及1002辦公室，以便將之打通，「閉門一家親。」不過，蟲泰堅拒讓步，最終經由抽籤解決，1001室歸蟲泰，令「青症」只接收了1002室，外加1004室，而1003室本來就是慢必的辦公室，在成功連任後自然繼續使用。

不過，「青症」兩名候任議員似乎對「打通辦公室」一事有異於尋常的執念。

# 「青症」玩「執位」 議員「小學雞」

## 游BB巴治奧「房事」擾民 慢必：見情侶隔位坐願讓座



■黃洋達之妻陳秀慧在轉載高慧然帖子的同時貼文道：「我同意慢必呢件事係好心，雖然真係好X勞民傷財。」

■游BB（游蕙禎）及巴治奧（梁頌恆）要求「熱狗」主席蟲泰（鄭松泰）換房不遂後，再向慢必（陳志全）打主意，結果終於得逞。

為此，他們近日要求慢必讓出其1003室，讓他們可以打通1003室及1004室。慢必向傳媒稱，他的同事本來不想搬，因為「搬一搬工程都極大，除咗要大執辦事處文件及傢具，電話、電腦、電線甚至信封信紙都要改過」。不過，慢必謊稱，如果他在餐廳吃飯，見到有情侶「隔位坐坐」，他都願意讓一讓位，所以今次「賣個人情畀青政」。

### 高慧然批未上任先擾民

然而，即使慢必的「黃絲」支持者，都不贊成慢必縱容「青症」的霸道。在《蘋果日報》等有專欄的女作家高慧然更在自己的facebook中發帖，批評「青症」未上任，先擾民，「搬一搬房所有印有地址的通訊資料都要改，連咭片、信封都要印過，勞民傷財。可以向人提出呢D（啲）要求，證明D（啲）人幾咁自私、自我中心。我係慢必費事睇佢。打通來種花？」

陳秀慧罵勞民傷財「死小孩」

一直追擊「青症」的前「熱狗」頭目龍門達（黃洋達）之妻陳秀慧，自然不放過這個抨擊好機會。她在轉載高慧然帖子的同時貼文道：「我同意慢必呢件事係好心，雖然真係好X勞民傷財。要留意係，青政之前唔係一定要1001或者10樓，根本係有其他選擇既（嘅）。佢地（嗰）同意抽籤果（啲）刻就應該有呢個分房準備，結果抽籤抽唔到1001，就轉而要慢必就佢地（嗰）。很好，果然一班死小孩。」

其他「熱狗」當然一湧而出，狠批「青症」是「小學雞」，只為了打通辦公室就搞咁多嘢，反映他們思想的不成熟。陳秀慧在留言中也繼續追殺，「做人既（嘅）嘢，有風便係駛到盡，有權就拎到盡。分開坐差幾遠？大舊（嗰）同慢必果（啲）陣打通架（㗎）咩？」不過，僅為了辦公室就掀起這麼多的口水戰，小學雞又豈止「青症」兩人呢？新一屆立法會開鑼，一眾花生友相信會食到熱氣。

■記者 羅旦

### 「房事」掀爭議

Josh Chu：「青政」係做野（嘢）定玩嘍，小學生呀要排排坐，本身對游（游蕙禎）已經有乜好感，見佢論壇表現無論民生政策都唔識答，宜（啲）家坐office都甘（咁）小學雞。

DonDon Tam：去廁所駛（使）唔駛（使）約埋一齊，拖晒手先去呢？

Fat Chan：做人就唔3唔4，開房要生要死！啲青年真係！

Maria Shuen：我睇到只是幼稚。依（啲）家係為市民工作，唔係去上堂旅行一齊坐，如果中間隔多個，咁係唔係又叫埋人哋搬？我個人覺得太擾民既（嘅）事係唔應該做。

Cynthia Choi：明唔明搬一搬製造幾多垃圾，辦公室係做嘢，唔係亞水同亞邊個熟就要擺埋一齊，咁駛（使）唔駛（使）安排埋佢地（嗰）一齊住？

Sk Chan：如果第日佢（嗰）鬧交唔見面，咁你（慢必）又搬番（返）去1003免佢地（嗰）打交呀？有D（啲）咁既（嘅）要求，點至（旨）意呢2件新貴會為他人着想？遷就大細路=縱容，除非你都想活動一下搬一搬。

Chi Hang Ryan Shek：拆x咗立法會office，為佢地（嗰）設計過好唔好？你唔x攞咁多嘢咪唔會煩到人囉，吓吓要人就你，世界為你轉嫁（㗎）？

花木蘭：對「青政」總是有所保留！已不是小學生喇！去立法會是為香港人請命呀！不是去嬉戲呀！從這些咁少（小）嘅問題已覺得你們不夠成熟啦……

Anthony Lam：為市民服務，不是食飯睇戲，大學生通病，聽課上週（周）會也堅持一班坐在一起，學習與嬉戲不分，思想未成熟，立法會議員質素……

Jackie Mak：打通個房方便打機？有咩事行兩步，好簡單。呢兩件腦筋（筍）未生理，睇下（吓）搞成點，不寄厚望。

Karlaen Chan：有權用盡，着數擺盡，自私自利！仲使希望佢監察政府？真係多謝比（界）票佢啲「選民」！

Timothy Mak：未登議員位，先置殺人刀。

Yau Wai Fung：佢地（嗰）都係用心良苦，打通咗兩間房之後跟手宣告佢地（嗰）兩間房以後獨立，理（履）行競選承諾！呢啲叫「房獨」！

資料來源：facebook 整理：羅旦

廣告忠告香港市民

**香港儒釋道祠堂有限公司**  
深水埗大南街176號金寧大廈

## 解決本港骨灰龕位不足問題

香港「死無葬身之地」問題一直嚴重，導致大量私營骨灰龕場湧現，甚至違規經營，政府雖提醒消費者有關選購或租用私營骨灰龕位的風險，但建構新的公營龕位的進度緩慢，市場上的供求仍然嚴重失衡。

近日，小記認識到香港儒釋道祠堂，他們為著宣揚中國優秀傳統慎終追遠、祭祀祖先的習慣，推出了慎陰德善終服務計劃，只需要捐款港幣十萬元起，便可於香港多個著名道堂獲贈一個福祿牌位，同時可獲贈廣東省著名道觀仔裝龕位，據悉他們已和番禺南沙玉德堂陵園簽署專利代理合約，代理骨灰龕位及骨石落地墓穴，同時與順德勒流沙富道觀及佛山陶師祖廟簽得總代理合約，為著要幫助香港政府解決骨灰龕位不足之問題作出很大的貢獻。

如果想知道更多有關認捐計劃的詳情，香港儒釋道祠堂更提供免費參觀團，讓市民可以詳細了解。

查詢電話：2886-0111  
www.dao.org.hk



### 免費參觀團

靈灰歸鄉，福澤子孫，陰安陽泰，福壽綿綿！

廣東一天遊，55歲以上長者免費招待，定期出發；  
專人隨團介紹計劃詳情，專車往返接送；  
優惠期有限，額滿即止，報名從速！